

輪台縣城，本地名布古爾。西漢初年命頭國地，爲漢武帝時李廣利所滅。後置使者校尉，屯田輪台，嘗有田卒數百人。以後併於龜茲。自魏、晉至隋、唐，輪台之名不見於載記。現輪台縣爲清光緒中所開，東與焉耆、西與庫車相接，爲通行南疆必經之地，但較之漢時輪台已北移數十里矣。

1. 克子爾河畔之古城 余抵此後，即擬考查縣城南之舊城。八月十一日，由南鄉鄉約引導，向東南行，過那巴莊入戈壁，有一乾渠，南東行，旁有紅泥灘，埂界猶存，疑爲古時墾殖區域。沿此東南行，抵一土墩，本地人稱爲梯木沁，即土墩城之義。周圍約三十三，高約七、八米，四周散布紅陶片及死人骨骸。旋轉東行約十餘里，抵黑太沁（附圖陸，1），距縣城約三十里。「黑太沁」即「漢人城」之義。城高丈餘，低亦數尺，土坯所砌，成一圓形。周三百三十七米，城中已全爲鹹地，中有一隆起處，大概爲古時建築遺址。四週紅瓦礫甚多，均無花紋，間有碎銅片及絲綫鞋與帽纓之類。吾人掘其遺址，深二米，上爲浮沙土，中含黑灰土一綫，銅片瓦礫均出此層中；下深一、三米，完全爲黑泥沙土。根據城牆建築及散布之陶片，疑爲唐代遺址。八月十二日，由黑太沁舊城出發，向南偏東行，皆紅泥灘，間有紅柳及沙磧，後沿一舊渠行，此渠即古時引克子爾河水以灌地者。約行十餘里，又抵一舊城，城名柯尤克沁（附圖陸，2），城牆已頽，僅餘牆基，略作方形，周約九百三十二米；中有土阜，高約六米餘，全爲土築。陶片皆爲紅衣黑胎之瓦片，間亦有紅底黑花之彩陶片，是此城建築當早，可能爲漢倫頭國故址。城西南有古時流水溝渠，蓋引克子爾河水以灌城中者。惟城中浮沙淖泥深尺許，面呈白沫，時陷馬足，無法工作。轉東行，過一乾溝，經行湖灘，枯木構織，泥沙堅結，履行甚艱。湖灘中溝渠甚多，皆乾涸無水，疑皆古時溝渠舊迹。旋轉東偏北行，仍爲一望無際之平灘，僅有少許紅柳及柘蒿隨風飄搖而已。約二十餘里，抵着果特沁舊城（附圖陸，3）。住於城之東南隅土阜下。城四周皆爲紅泥灘，爲克子爾河水經流區域，克子爾河水夾帶紅泥沙，故其所經流之地，皆染成紅色。在舊城東北約二里，有舊河床東去，必爲舊時克子爾河故道。一切古代遺址，均在舊河道旁，現克子爾河向東北移，相距約十里，流至柯克確爾即四散，水大時積而爲潭，本地人稱爲柯克確爾海子。此城週約一千二百米，略作圓形。城牆已頽，僅餘牆基，皆土築。中有一隆起土阜，週六十七，高約三米，疑爲古代建築遺址。在其南有二小土堆，掘其左堆，出現稞麥殼甚多，古時必爲倉庫。右方之土堆，掘之無物，並有圍牆痕迹，似爲古時住宅，或官署所在也。在城之東南隅，有長方形土台，週一百二十四，高約九米許，余棚帳繫於土台下，而置箱物於土台上。上下掘痕甚多，皆本地人掘取錫物，或掘土肥田者。此高台究作何用，未經發掘，無從臆度，但必爲古時城中之建築遺址也。城中泥淖深尺餘，陷馬足及蹠，人亦沒履。城外東面距城根一百六十二米有土墩一，亦略作長方形，週約六十八，高約三米。城西亦有一土墩，略作圓形，週約四十，高約六米。在此